


ЯНВАРТЬ

26-це шистонза 1941 кизоня

11 (1807)

ПИТНЕЦ 5 тр.



Комсомолю Вайгяль

ВЛКСМ-нь мордовский обкомъ и саранский горкомъ газетасна

ЛИСЕНДИ

9-це КИЗОСЬ

Адрессь: г. Саранск,
Советская ул., Дом печати.

Аф грамотность машфтомац—комсомоль важнейшай задаца

Прогрессивнай человечество вели-
кай вождиза Ленин и Сталин шарф-
ность исключительнай мяль и забота
аф грамотность машфтомац колга
кизефксть шири. Советский власть
кизонзон пингста минь республикань-
ке шарфть образованнайке и культур-
найке.

Тя тевса аф ёмла работа тисъ
Ленинско-Сталинский комсомоль. Мор-
довиянь комсомоль тяфта жа оцю
лезке максси партийнай организаци-
онди прохлайть проклятай наслед-
стванц—аф грамотность машфтомаса.

Лама комсомольский организаци-
оню энергияса откликнулис РСФСР-нь
Просвещения Наркомъ Потемкин ял-
гать призывонцы минь странасонк
аф грамотность окончательнайста
машфтомац колга. Комсомольский ор-
ганизационте выделили 5000 культ-
армеец лучшей комсомолецнень эзда,
ко нат аккуратнайста ётафнихть заня-
тия тейст кемокстаф аф грамотнайх-
нень и малограмотнайхнень ётка.

ВЛКСМ-нь Кадомский райкомъ
цебярста лезды культармеецнени,
контролирует синь работасон, органи-
зовандакшни культармеецнень ётка
совещания работань опытть фкя-фкян-
ди максманц коряс. Тя районъ
Б.-Полянский средняй школань комсо-
мольский организационс кемокста 43
комсомолец культармеецокс, конат ре-
гулярнайста нилексть неделяти ётаф-
нихть аф грамотнайхнень мархта за-
нятия. Тя велень советса сембе 70
аф грамотнайхне и 56 малограмотнайхне
фатяфт тонафнемаса. Активный уча-
стия аф грамотность и малограмот-
ность машфтомаса примосихть Глуш-
кова, Сил—Майдан велень комсомо-
леце. Ня велетнень эса тяфта жа сем-
бе аф грамотнайхне фатяфт тонафне-
маса. Занятияне ётафневихть планц
коря.

Оцю работа вяти тя тевть коряс
ВЛКСМ-нь Краснослободский райкомъ.
Тя района сембе аф грамотнайхне и
малограмотнайхне фатяфт тонафнема-
са. ВЛКСМ-нь райкомъ видеса куль-
турно-массовой комиссияс (председа-
тельсь Можина ялгась) оцю лезке
макссь народной образованиянь орга-
тнени аф грамотнайхнень учётс сиво-
масост, культармеецнень кочкамаса. Ко-
миссиянь четтне систематически про-
верякшнесазь культармеецнень рабо-
тасон, максихть тейст практический
лезкс. Од Усад велень комсомольский
организационс (секретарь Карпушин
ялгась) активнайста кярмодс аф гра-
мотность и малограмотность машф-
томаса работати и савсь эсь лангозон-
за обязательства аф грамотнайхнень,
конада лувондови тя велеса 40, тонаф-
томс 1941 кизонь март ковти самс.

Ряцок сатфкснень мархта улихть и
оцю аф сатыкст. Эряви азомс, што
лама районга аф грамотность и мало-
грамотность машфтомаса работась моли

аф удовлетворительнайста. Тя тевса
пула песа ускови ВЛКСМ-нь Пурдошан-
ский райкомъ. Аф грамотность и ма-
лограмотность машфтомаса работати
мархта райкомъ ёфси аф занима-
дакшни, аф содасы кодане мольфтеви
тя кизефксть коряс работась велетнень
эзга. Сяда калдяв ся, што тячимс
апак организовандак тонафнемась ком-
сомолецнень ётка, конатнень аш на-
чальной образованиясна, а синь эд-
дост района лувондови 74. Райкомъ
культурно-массовой комиссияс ётафть
тя кизефксть коряс анычек фкя сове-
щания и лоткась тяконь лангс. Лама
корхтай ВЛКСМ-нь Торбеевский рай-
комъ секретарец тянь колга, но прак-
тически мезевок аф тиенди.

ВЛКСМ-нь кой-кона райкомтне аф
правильна арьсихть синь колга, што
аф грамотность и малограмотность
машфтомац коряс работась тевсь буд-
то-бы анычек народной образованиянь
оргатнень, а комсомольский организа-
ционте могут кой-мязрда макссеме
лезкс. Тяфта лисенди Кочкуровский,
Ст.-Синдровский, Рузаевский райот-
тнень эса. Нат арьсематне вреднайхть.
Комсомольский организационте дол-
жетт эрь шиня занимадондакшнемс
первостепеннай важностень тя зада-
чать мархта.

ВЛКСМ-нь райкомтнень и горкомт-
нень задачасна—фатямс тонафнемаса
сембе аф грамотнайхнень и малогра-
мотнайхнень инь маластонь пингть и
тюремс эрь неграмотнайть цебярь ка-
честваса тонафнеманц инкса.

ВЛКСМ-нь райкомтне и горкомтне
должетт шарфтомс особай мяль аф гра-
мотнай од ломаттнень шири, сатомс
сянь, штоба приобщить ня од ломат-
тнень культуры, политический эряф-
ти. ВЛКСМ-нь Центральной Комитетс
1940 кизонь ноябрь 20 шинь эзда эсь
решениясонза «Мордовиянь комсомоль-
ский организацион участиянц колга
аф грамотность и малограмотность
машфтомаса» особай мяль шарфть
комсомолецнень ётка аф грамотность
машфтомац шири.

Эряви азомс, што райкомтнень ла-
мосна тянь мархта справляються кал-
дявста. Республикаса 2403 комсомо-
лецнень аш начальной образованиясна
и тячнень шити самс апак фатяфт то-
нафнемаса.

ВЛКСМ-нь райкомтнень и горкомт-
нень культурно-массовой комиссияс
ны эряви пусомс эсь работасонды
основакс населениять ётка аф грамот-
ность и малограмотность машфтомац,
культармеецнень и комсомольский ор-
ганизационте работасон проверямас-
он, практический лезксонь максомать.

Партиять и правительствать мархта
путф задавать пашкодемац ащи почет-
най и благороднай обязанностекс эрь
комсомолецти.

П. Рогачев.

З.-Полянень район.


СПЛОШНОЙ ГРАМОТНОСТЬ ИНКСА

Аф грамотность и малограмотность
машфтомац тяниень пингть ащи эрь
учитель и комсомолец инголе инь
ответственной задачке. Шархкодемек
оцю важностень тя мероприятия по-
литический значениянц, Од Выселкань
учительне и комсомолецне витихть тя
тевса оцю работа.

Велеса лувондови сембоц 350 ломань
аф грамотнай и малограмотнай, конат

явфт башка аф оцю группава. Эрь аф
оцю группань кемокстаф учителени
или комсомолецнени, конат планц коря
систематически ётафнихть занятия.

Сембе культармеецне, конат рабо-
таихть аф грамотнайхнень тонафнемаса,
савсь обязательства—Майть 1-це шин-
цы тиесм велеть грамотнайке.



Топодсь 6 кизот Ленинонь и Сталинонь вернай соратникснон, ВКП(б)-нь
ЦК-ть Политбюронц членон В. В. Куйбышев ялгать кулома шистонза савомок,
конань злодейски кулофтозе троцкистско-бухаринский бандась.

СНИМКАСА: Валериан Владимирович Куйбышевсь (шачсь июнь 6-це
шистонза 1888 к., кулось январь 25-це шистонза 1935 к.).

Рисункась К. Теодоровичть.

(Фотось ТАСС-ть).

ВСХВ-в КАНДИДАТ

Мария Павловна Какаевать содасазь
«Марстонь вий» колхозса кода цебярь
производственницань — стахановкань.
Сонь ударнай трудоц аф весть ульсь
достойнайста оцененай колхознай прав-
лениянь ширде. Эрь кизоня колхозса

васенце премиять получахнеше сон.
Тяни Какаева ялгась, трудити честнай
отношениянц инкса, кемокстаф ВСХВ-в
участниконди кандидаткс.

Шиндин.

Зубово-Полянский район.

Касфтомс 1941-це кизоня ВСХВ-са участниконь лувксть

Сатомс, штоба 1941-це кизоня ве-
лень хозяйствань сембе отраслятнень
эса работась улель анычек образцовай
и тянь вельде касфтомс 1941-це ки-
зонь Всесоюзнай вельхозяйственной
выставкань участниконь лувксть.

Тяфтама лозунг ала ётась Пурдо-
шанский района велень хозяйствань
передовиконь районнай совещаниясь.
Совещанияс примосесть участия Пур-
дошанский райононь колхознень эзда
сембе передовикне, МТС-нь лучшей
комбайнерхне и трактористтне, конат
цебярь качества мархта и вельф паш-
кодезь эсь производственной планцион.

Вов, например, Ленинский МТС-нь
лучшай комбайнерсь, 1940-це кизоня
ВСХВ-са участниксь Мотин ялгась, ко-
на 1940 кизоня урядань 697 гектар
сёра, «Путь Ленина» колхозонь чабань,
ВСХВ-са участниксь Мартыкин ялгась,
кона воспитандась 100 овцематкать
эзда 118 вероскя.

Совещанияс вельхозяйствань луч-
шай передовикне, тиесмк итокт ётай
кизонь эсь работасонды, савсь эсь
лангвост конкретнай обязательстват,
штоба 1941-це кизонь выработкань
нормать касфтомс нинге сяда ламонь
грда.

— Бда мон,—корхтай Мотин ял-
гась,—25 календарнай шиста 1940-це
кизоня урядань 513 гектар, то 1941
кизоня урядан тяфтама срока 600
гектар.

«Заря» колхозонь СТФ-нь заведую-
щайсь савсь обязательства получамс
1941-це кизоня эрь свиноматкаста 18
деловой пурьхц.

Совещаниясь решандась хозяйствен-
най и политический оцю важностень
кизефкст. Совещаниянь сембе участ-
никне сувасть XVIII партконференци-
ять лемса соцсоревнованияти.

Д. Лемакин.

ЗАМЕЧАТЕЛЬНЫЙ БОЛЬШЕВИК

(В. В. Куйбышев кулома шистонза сывомок 6 кизонь топодемати)

1935 кизонь январь 25-це шистонза минь странаньконди тиевсь оцю юмафкс. Тя шиня народть злейшай врагонза, троцкистско-бухаринский бандитне сязезь прекраснай большевикть, государственнай оцю деятельть, Ленинонь и Сталинонь вернай соратниксн Валериан Владимирович Куйбышев эрфонц.

Валериан Владимирович шачсь Омск ошу 1888 кизонь июнь 6-це шистонза. Идыкс пингонь кизонзон етафтозень аф оцю опшкас Кокчетавса (Казахский ССР). Нинге од юношакс пингстакиге сон примоси участия Омский социал-демократический кружокнен революционнай работасост.

«Валерианонди ульсь 14 киза, — лятфнесь сонь сестрац Елена Куйбышевась, — мзарда сон пашкодесе революционнай организациять васенце поручениянц».

1904 кизонь, кемготува кизоса, сон сузавь большевикнен Омский организациясонди. Ся пингста сывомок и эсь эрфонц мекольден шинзон самс Куйбышев ульсь активнай революционерк-большевикокс. Сембе эсь виинзон, знаниянзон, эрфонц сон максозень рабочий классь теовонцты.

1905 кизонь революционнай события сатнесазь Валериан Владимировичень Петербурга Военно-медицинский академияса студентокс. Сотовомок большевиконь Петербургский организациять мархта, сон вати пик опаснай и важнай работа — тейнза поручандафоль усомкс оружия Москуса декабрьский вооруженнай восстаниян участникненди. Тяка жа пингть сон распространял нелегальной литература рабочий райоттнен эса. Революционнай движенияса участиянь примаманкса Куйбышевонь панезь Военно-медицинский академияста.

Тя пингть эзда сывомок ушеткпинь сонь профессионал-революционеронь эрфонц, ся эрфсь, кона пашксе опасностя и лишенияда. Сон этни фкя ошть эзда омбоцети, работай большевистский подпольса. Полициясь аф кадондсы сонь покойс: сонь арестовандакшнесазь, пикенесазь тюрьма, прважакшнесазь ссылкас. Но трудностне и невзгодатне аф эвфнесазь сонь. Иотни аф лама пинге, и Куйбышев тага партийнай работаса.

Фкя ажетаса, конань Куйбышев заполнил гражданский войнать пингста, кизефксть каршес: «Мзарда и кодама преследованияс улеть таргаф политический деятельностенкса?» — сон отвечась: «Арестовандакшневонь кафекоксоть (Омский, Томский, Петроградский, Самарский), 1906 кизота ушedomок 1916 кизоти модемс. Колмоксоть судендафолень. Улень нилексть ссылкас (Казань, Томский губерния, Нарым, Иркутский губерния, Турханск)».

Февральский революциясь сатозе Куйбышевонь очередной ссылкас молема кить лангса. Получамок свобода, сон тушенды Самарав и тейнза присущай большевистский страстностьа кярмотькшн советский властть организавандаманцты. Куйбышевонь инициативанц коряс тиса ульсь организавандаф

краснай гвардия, конань лезксонц вельде властть Самараса курокста этась Советтнен кядьс.

1918 кизонь Куйбышев арси во главе поволжеский пролетариатти, кона тюрсь од советский республикаты врагонзон каршес. Кядьсонза оружия мархта сон организавандакшн отпор чехо-словакнен и учредиловецнен контрреволюционной бандасон каршес, работай комиссаркс и Реввоенсоветонь членкс I Краснай армияса, а сйда меле IV Краснай армияса. Революционнай опыть и одкс пингста получаф военнай знаниянне (Куйбышев аделсь кадетский корпус) выдвигают сонь кода талантливый полководецонь. Сон пик оцю работа етафни IV армиять частензон боевой готовностьсон касфтоманц инкса, коза сувсесь и Чапаевский дивизиясь. Фрунзень мархта марса сон примоси пик активнай участия Колчаконь тапамаса.

1919 кизоть ценцты, мзарда организавандавсь Туркестанский фронтсь, тейнза во главе партиясь путозень Куйбышев и Фрунзе ялгатнен. Средний Азиянь нароттне тиненге мялфсазь Куйбышевонь — Краснай армиять полководецонь, прекраснай большевикть и среднеазиатский национальней республикатнен организаторсон. Куйбышевонь и Фрунзень руководствасон ала Средний Азиянь трудящайхне тапазь белогвардейский бандатнен, басмачнен, английский интервентнен ляткесон.

Аделавсь гражданский войнась. Партиять волянц коряс Валериан Владимирович этни ответственный хозяйственный работас. 1921 кизонь сон ульсь назначендаф ВСНХ-нь (Высший совет народного хозяйства) президумонь членкс, вятсь руководства электрический промышленностть работанц лангса. 1922 кизонь сонь кочказь партиянь ЦК-ти членкс, а 1927 кизоста сывомок — ВКП(б)-нь ЦК-ть политбюронцты членкс. Пик оцю работа тя пингть пашкотькшнесь Валериан Владимирович. И сембе вастса — профсоюзнай, хозяйственный или партийнай работань участкаса — сон трудендась самоотверженнайста.

В. В. Куйбышев — пролетарский революционеронь образец. Пик оцю революционнай размахть сон сочетандакшнне «американский деловитостть» мархта. Сон ульсь пик чуткай, маштсь эждемост ломаттнен товарищеский ласкаса и сяка жа пингть вешсь железнай дисциплина, кона подчиняндакшнесы волять и энергиять партиять интересонзонди.

Сталин ялгать руководстванц ала Валериан Владимирович вятсь беспощаднай тюрема сятнен каршес, конат тарифнесть навязать партияти враждебнай идеология. Сон непримирима лихнезень лангти и громил троцкистско-бухаринский бандиттнен.

Валериан Куйбышевть, большевистский партиять замечательнай деятельнец, Ленинонь и Сталинонь вернай соратниксн лемоц сувась коммунизматинкса тюреманы историйти.

В. Верховский.

НИЛЕ КОМАНДАТ

Эрь иладне, аф пелемок январский лыжамть эзда арихть лыжаса Сире-Дракина велень средний школань комсомолонце. Тяфта синь аноклахть предстоящай лыжнай комсомольский кросса участияти, пашкотькшнесазь тренировочнай минимумонь норматнен.

Средний школань комсомольский организациясь пуроптсь лыжникинь ниле команда, конат эрь шинь тренировкада башка выходной шитнен пингста тинендихть похотт.

Пинясов.

Ковылкинский район.

ПРОФСОЮЗОНЬ ЛЫЖНАЙ КРОССЬ МОЛЬФТЕВИ ЯНВАРТЬ 30-це ШИНЦ САМС

Луводомок профсоюзнай организациятнен и добровольнай спортивной обществатнен лама просьбасон, ВЦСХ-ть секретариатонь решил мольф-

теме профсоюзонь колмоде Всесоюзнай лыжнай кроссоть январь 30-це шинц самс включительна.

(ТАСС).

ВЛКСМ-нь ОБКОМСА

Нят шитнен эзда ВЛКСМ-нь обкомть бюрок кулхондсь доклад сян колга, кода ВЛКСМ-нь Чамзинский райкомсь пашкотькшнесы «Политпросветучреждениятнен работасон колга» ВЛКСМ-нь обкомть бюрок 1940 кизонь ноябрь 18 шинь решениянц.

ВЛКСМ-нь Мордовский обкомть бюрок отметил, што ВЛКСМ-нь обкомть бюрок тя решениянц ВЛКСМ-нь Чамзинский райкомсь пашкотькшнесы аф удовлетворительнайста. Формальна значоминдамок решениять мархта первичнай комсомольский организациянь секретарьхнен, ВЛКСМ-нь райкомсь первичнай организациятнен и политпросветработникнен мархта тя решениять пашкодманц мельге ашезь ладе эрь шинь контроль. ВЛКСМ-нь райкомсь и первичнай комсомольский организациятне мирендакшнхть лама изба-читальнитнен калдыв работасон мархта и аф примосихть кодамовок мерат сонь цебарьгофтоманц инкса. 26 клубть и избачитальнять эзда 6 изба-читальнитне тя пинге по-существу нинге аф работайхть.

Кодамовок работа аф етафневн районнай соцкультурань домсовок, нингольден добровольнай кружокне срадсть, соцкультурань домть 3 платнай работниконза мезевок аф тиендихть, получандакшнемок стак ашезь зарплата. ВЛКСМ-нь райкомсь первичнай комсомольский организациятнен эса не возглавил М. И. Калинин ялгать «Коммунистический воспитаниять колга» докладонц тонафнеманц коряс работатке, мезень сюнеда лама организацияса (Хлыстовка, Чамзинка, Алыза) докладтне тифтельхть формальнайста.

ВЛКСМ-нь обкомть бюрок особа отметил, што лама комсомольский организацият и политпросветучрежденият эфси аф удовлетворительнайста работ-

тайхть од ломаттнен эткса агротехнический и военнай пропагандат коряска.

ВЛКСМ-нь райкомть видеса культмассовой работат коряс комиссиясь (председательсь Малофеевсь) по-существу работати нинге ашезь кярмотькшнне. Комиссиянь четтне совещанияс аф сашендихть, комиссиянь председателсь и ВЛКСМ-нь райкомсь комиссиянь четтненди порученият аф максихть. Работань планца аш, мезень сюнеда комиссиясь аф содасы од ломаттнен эткса культмассовой работань положениять и аф максим работаса кодамовок лезке первичнай комсомольский организациятненди и политпросветработникненди.

ВЛКСМ-нь обкомть бюрок обязал комсомолонь райкомть машфтомс отмечендаф афсатыкснен и пашкодмс ВЛКСМ-нь обкомть бюрок «Политпросветучреждениятнен работасон колга» 1940 кизонь ноябрь 18 шинь эзда решениянц. Отмечандамок культмассовой работат коряс комиссиять эфси аф удовлетворительнай работанц, обкомть бюрок предупредил комиссиять председателенц Малофеев ялгать.

Обкомть бюрок обязал комсомолонь райкомть секретаренц Пурдакин ялгать эрь шиня руководить комиссиять работанц мархта и максемс тейнза работаса практический лезке.

Изба-читальнятнен, клубнен и библиотекатнен культурнай порядокс вятемасна и од ломаттнен эткса культурно-массовой работат келепеманц велень комсомольский организациятненди аши фкя инь важнейшай задачкас.

ВЛКСМ-нь обкомть бюрок обязал ВЛКСМ-нь райкомть эрь шиня глубококайста азонкшнемс од ломаттненди «Коммунистический воспитаниять колга» М. И. Калинин ялгать докладонц.

ИНТЕРЕСНАЯ ЭКСКУРСИЯ

Мамолаевский средний школань 5-це классонь ученикне тисть интереснай экскурсия. Синь талонда шифтнен определяли синь коркасон, формасон и лия признаксон коряс. Оцю интерес мархта учащайхне ванондозь и определяли келуть, тумоть, пешеть, серебристай топольть, туже акациять, пешкеть, лаймарькеть и лия шифтнен. Тя наблюденияда меле синь тонадсть со-

дамс шифтть талонда, лопафтома. Сембе мезе найсть и содасть вырьса экскурсияда меле класса ученикне сярмадозь кагод ланге, штоба аф юкстамс.

Экскурсиясь этась оцю интерес мархта и лама макссь учащайхненди практический назывкань получама.

Клоков.

Рыбинский район.

ДРАМКРУЖОКТЬ РАБОТАЦ

Инсарань педагогический училищань драмкружоксь, конанц мархта руководит колмоде курсонь студентсь Ермолаев Ваньсь, вати оцю творческий работа.

Тонафнема кизоть 1-це полугодилтонза драмкружоксь путнесь 12 пьеса, тика лувксса М. Горькийть «На дне»,

«Лисий хвост», «Свадьба» и лама иля пьесат.

Ушedomок тонафнема кизонь омбоце полугодиять, драмкружоксь сязьсь обязательствань нинге сйда цебарьгофтомс эсь работанц.

П. Липенкин.

Инсарский район.

Школьный стенгазетатнен колга

Школьный стенной газетась иттенн коммунизмань духса воспитаниясост и школаса сознательнай дисциплинать кемокстамаса аши фкя инь вию оружыакс. Сон нагляднайста яфнесыне башка ученикнен отличнайста тонафнемань опытнон, образцовай дисциплинасон, и сяка пингова пик правдивайста критиковандай аф дисциплинированной ученикнен эса. Лувомок стенгазетат оцю воспитательнай значенианц, башка школьный комсомольский организациятне шарфнихть оцю мяль стенной газетатнен работасон цебарьгофтомасон шири.

Атюрьевский районца М. Козловкань средний школаса тонафнема кизоть 1-це полугодияста редколлегиясь поддась 12 №№ стенгазета. Редколлегиясь пуроптсь эсь перьфканза отличнайста тонафни и активнай общественник ученикнен эзда стенкоронь кеме актив, конатнен эткса редколлегиясь вати систематический политико-воспитательнай работа.

Январь 17-це шистонза М. Козлов-

кань школьный стенгазетань редколлегиясь эсь стенкоронзон мархта етафть совещания, коса обсудили 1-це полугодияста поддаф стенгазетатнен, лифтезь ланге удикс аф сатыкснен и наметили работань план тонафнема кизонь омбоце полугодияти.

Е. Голосницкий.

Но ламода аф тафта аши тевсь М. Пашадонь средний школаса, (Пурдошанский район). Аф ваномок сян ланге, што тонафнема кизоть ушedomстонзакиге общай ученический собраниясь ульсь кочкаф редколлегия. Редколлегиясь макссесь вал, што эрь коти кармай нолама 2 номеркт. Но лискс тевса мекланкт: 1-це полугодияста поддаф аныцек 2 №№ сембоц.

М. Пашадонь средний школань комсомольский организацияти эрви лездоме, штоба школьный редколлегиясь цебарьгофтольхне эсь работанц и ноляль содержательнай и цебарьста оформленнай стенгазета.

В. Кидямкин.



Яктерь Армияса боевой тонафнемась.
СНИМКАСА: Лыжный разведкаса. (Ленинградский военный округонь Н-ский частесь).

Фотось М. Редкитъ (фотось ТАСС-ть).

РККА-ть 23 ГОДОВЩИНАНЦ ЧЕСТЬС

Деятельнаиста аноклайтъ Яктерь Армиять славнай 23-це годовщинуанц празднованиянцты Од Выселкань средний школань ученикне. Сннь ознаменовандасазь всенароднай праздникинь шить оборонно-физкультурнай работатъ цебарьгофтомаса. Военнай тевть преподавателец Петр Кондратьевич Пирогов ялгась организовандась обороннай значокс норматнень максомаса кружокт. Организовандаф ЮВС значокс норматнень максомаса фкя кружок, конань членонзон ётка

ульсь ни ётафтф январь 17-це шистонза васенце занятиясь. Тядя башка организовандаф фотолубителень кружок, коса итне занимадайтъ оцю интерес мархта.

Старшай классонь кемонь ученикт максозь омбоце ступень ГСО-нь значокс норматнень. Сннь ётксоот особенна цебарьста овладели санитарнай тевть мархта Шиндин, Топильников и ялягатне.

Г. Лобурев.

Зубово-Полянский район.

„Красная Ожга“ колхозсь видемати аф аноклайт

Тундань видемати анокламатъ колга кизефксь «Красная Ожга» колхозса катф ёсботим молемати. Конкретна сонь мархтонза велеса кивок аф занимадакшни. Тянь сюнеда сембе инвентарсь тиниме ловть ала, видьмотне алае сортировандакт, ловонь кирдема колхозть паксиязон лангса аф ётафневи.

Колхозть председателец Бакаев ялгась, бригадирне Овчинников и Гаршков ялгатне арьсикть видемати аноклама ушедомс сяярда, мзярда лямбонди. Тя аф виде арьсемась. Сон противоречит партиять и правительствать видемати анокламатъ колга сембе угазаниянзонды. Ибо сннь вешихть анокламса тя важнейшай политической кампаниять ёсь шингонза и цебарьста. Аньцек эста сон ули ётафтф успешнайста-июрккнян срокета и цебарь каче-

ства мархта, мзярда тейнза инголкиге лацкас аноклат.

Аф лезды тя тевса колхозти и комсомольский организацияське (секретарь Шумкин ялгась). Аф ваномок сннь лангс, што тейнза максфт прават обсуждать ёсь собраниясонза тяфтама кизефкст, сон тя прават аф использовандакшнесы. Шумкин ялгась сяшкава распустил ёсь принц и мариек организациять, што 4-це ковсь ильне комсомольский собраниятка аф арьсикть, аф корхтамок ни организацияса лия работань колга.

ВЛКСМ-нь С.Шайговань райкомти эриви варжактомс и кармафтомс Шумкинть большевикокс кярьмодема работати.

М. Тарадаев.

С-Шайговский район.

РАБОТАСЬ ЙОТНИ ОЦЮ ПОДЪЕМСА

Ковылкинский районца Дзержинскийть лемса колхозонь четтне вишкста аноклайтъ тундань видемати. Сннь сортировандайтъ видьмот, кочкайтъ кулфт, кирдихть лов.

Колхознай кузнеце аделазь плугонь,

инзамань, саялкань и иля инвентарень ремонтировандаматъ. Тиса работась ётафневи производственной оцю подъема.

С. Карпунин.

Ковылкинский р-н.

Коде пашкотькшневихть комсомольский поручениятне

Нинге ся собранияса, мзярда обсуждали ВЛКСМ-нь ЦК-ть XI-це пленумонц решениянзон, Пиченгуш велень комсомолендиди пцтай кажнайть ульсь максф комсомольский поручения. Комсомолендиди Вельмискин ялгати, коде комсомольский поручения, максфоль комсомолендиди аф союзнай од ломатнень ётка обороннай работатъ вятмап. ОСО-нь собранияса, сон ульсь кочкаф ОСО-нь организацияти председателкес. Почетнай тев тейнза поручили комсомолендиди, но пашкотькшнесы сонь Вельмискин ялгась пак калдывста. ОСО-нь организациять мельге 2 кизонь задолжность членский взносонь пандоматъ коряс. Обороннай кружокт сон кодапт-ка ашезь организованда и беседатобо-

роннай темас фкявок ашезь ётафта.

Первичнай комсомольский организациясь аф проверякшнесы, а коде комсомолендиди пашкотькшнесазь ёсь поручениясон, мезьса сннь трудностьна и кодама лезкс тейст эриви. Тиса мекланкт, 2 кофт ни ашель комсомольский собраниявок.

Первичнай организациять секретаренцты тяфтама положениясь эриви учесть и сатомс сннь, штоба эрь комсомолец честна и аккуратно пашкотькшнелхце тейнза максф поручениять.

Безбородов,

Кирдяшкин.

Ельвиновский район.

КРАСНАЯ АРМИЯТЬ ШИНЦТЫ

САМОДЕЯТЕЛЬНОСТЕНЬ ВЕЧЕРХНЕНЬ ОРГАНИЗАТОРСНОНДЫ СОВЕТТ

Советский народсь пак кельксы ёсь родной Красной Армиянц. Эрь кизоня странась февральть 23-це шистонза отмечае Красной Армиять Шини, кода оцю, всенароднай праздникинь.

Йотафтомс тя шить комсомолендиди эриви интереснайста и увлекательнайста. Шить можна ётафтомс лыжной состязаният, военной играт и похотт, стрелковой соревнованият. Илять ёсь вийсон мархта эриви тиёмс самодеятельностень вечер.

Сидеста тяфтама вечерхне ётнихть пак скучайста. А кда арьсемс, заботендамс инголкиге пьесань путоматъ колга, морхнень колга, декламациятнень колга, то вечерсь лиси содержательной и ламос аф юкстави.

Ушедость сннь эзда, што кой-мзяра неделяда Красной Армиянь Шида инголе выявить од ломатнень, конатнень ули мялсна примаме участия концерта: гармонистнень, гитаристнень, балалаечникнень, певецнень, рассказчикнень, танцорхнень и стак тов. Эриви ваномс, кодама ни ули тонатф репертуар и кочкамс сонь эздонза инь цебарьхнень, конат подходит вечеронь темати. Од ломатнень мархта, конатнень аш аноклаф номерсна, тонафнеда морхт, частушкат, стихт, Красной Армиять колга книгатнень эзда отрывкат.

Вечерь литературно-художественнай программанц колга посовтуйтесь библиотекарьхнень, учительхнень мархта. Кочкамс лама морхт можнат сят сборникнень эзда, конат посвященнайхть Красной Армияти. Вов, например, кафта сннь эздост:

1. «Непобедимая». Стихонь сборник, кона нолдаф Красной Армиять 20 кизонь топодеманцты. Нолдазе «Художественная литература» издательствась, 1938 кизоня. 2. «Стихи и песни о Красной Армии». Нолдазе «Художественная литература» издательствась, 1938 кизоня.

Рекомендуем анокламс вечерти аф оцю пьеса. Йомла пьесаньт путоманцтыге относитесь тяфта жа серьёзна, кода и многоактнай пьесати. Минь советуем путомс Стабовойть «Станция Злочувьшики» пьесанц. Пьесась посвященнай Западнай Украинать польский помещикнень игасон алда освобождениянцты. Кда аф мусасть тя пьесать, то путость Ульянинскийть «Случай на полустанке» инсценировканц, конац печатлаф «Вечера художественной самодеятельности» сборникса.

Вечеронь программась можна тиёмс колма пилькста:

1. Доклад «Красной Армиять XXIII-це годовщина» — 30—40 минутат. Подшефнай частень красноармеецнень, бывшай краснай партизатнень, гражданский войнань ветератнень, Хасанонь, Халхин-Голонь геройхнень и белофиттнень каршес тюремаса участникнень выступлениясна.

2. Одноактнай пьесань путомась,

3. Концерт кафта отделенияста.

Концертть вятсьм конференсьесь (ведущайсь). Сонь задацац ашисннь эса, штоба выразительнайста и четкайста азонкшнемс, кие выступает и мезе кармай исполнять, (названиянц, кие авторсь, — композиторсь). Няфттама васенце отделениять примернай программанц:

1. Морама. «Если завтра война» — музыкась Покрасевть, стихне Лебедев-Кумачть.

2. Морама. «Песня былых походов» — музыкась Компанеевть, стихне Жаровть.

3. Декламация. Н. А. Некрасов — «Орина, мать солдатская». Можна мумс Н. А. Некрасовть сочинениянзон любой собраниянц.

4. Декламация. Маяковский — «Возьмем винтовки новые», «Последняя страница гражданской войны», «Вавьи бублики».

5. Блантер — «Песня молодых бойцов» (соло — баянов или гармоньян коряс).

6. Твардовский — «Героям», «Знамя» журнал, 1 №, 1940 к. (Стихотворениясь посвященнай Красной Армиять боецонзонды, конат героически тюрст финский фронтса). Лебедев-Кумачть стихотворениянц «Я сын трудового народа».

7. Лувомас. «Воля к жизни» — очерк летчикнень колга, конат няфтсь необыкновеннай героизма белофиттнень каршес тюремаса. Очерктъ сёрмадозе Николай Кружков. («Правда», 1940 к. апрельть 30 шистонза).

8. Морама. Дунаевский — «Марш во-долазов».

9. Художественнай лувомас. Фурмановть «Чапаев» романонц эзда VI-главась, «Сломихинский бой».

«Чапаевста» отрывкатъ вастс можна исполнить Н. А. Островскийть «Как закалялась сталь» романцтонза выдержка, васенце пильксь, 7-це главась, (главатъ ушеткста, аделамс валса: «...Фкя штыкоц сонь, Сережась...»).

10. Морама. «Любимый город» — музыкась Богословскийть, текстсь Долматовскийть.

11. Баянистонь или гармонистонь выступления.

12. СССР-нь народнай танецт.

Концертть васенце и омбоце отделениянзон ётка антрактть пингста ётафнеда массовой морамат, а тяфта жа массовой играт и танецт.

Сёрмадсакс фкя играть. Лемоц сонь «Ротозей». Затейниксь азондсы, што фкя свистокта меле эриви кеподемс фкя кядьце, кафта свистокта меле кядьце кеподемс аф эриви. Кочкайтъ цебарьста содаф мор, ушедыхть морамас. Омбоце или колмоце куплетса руководительсь максы свисток (фкя или кафта). Кда кивок ашезь эльбядь, морсь мольфтеви, а руководительсь максы то фкя, то кафта свисток. Кодак аньцек лиси «ротозей», сонь «штрафуют». Сон обязан лувомс стихотворения, танцовандамс или морамс. Мудра библиотекаста «Игра и развлечения» сборник (Изд. «Московский рабочий», 1938 к.). Тя сборникста тинь мутада головоломкань, фокусонь, шуткань, групповой игрань описаният, конатнень успех мархта можете использовандамс перерывста, а станя жа концертть аделамда меле.

Концертть омбоце отделениянц тиестъ примерна тяфтама номерста:

1. Народнай морхт баянонь или струнный инструментонь коряс. «Будете здоровы» — музыкась Любанть; «И кто его знает» — музыкась Захаровть, валхне Исаковскийть.

2. Декламация. С. Михалков. Стихотворения «Приезд сына». («Правда» газетатъ 1940 кизонь апрельть 9-це шинь номерсонза).

3. Балалаечниконь или гитаристонь выступления.

4. Декламация. Маяковский — «Готовься! Стой! Строй!» стихотворениянц.

5. «Про теперешний момент» — частушкат, музыкась Иорданскийть.

6. Лувомас. Фадеевть «Разгром» романцтонза отрывка, 3-це пильксь — 1-це главатъ — «Разведка Метелицы». В. Василевская — «Бойцу освободителю» (1940 к. сентябрь 17-це шинь «Известия» газетататъ №-ста).

7. Русский пляска.

В. Маяковскийть обороннай стихонзон эзда можна, например, сямостяфтама лозунг — призыв: «Мускул, свое дыханье и тело тренируй с пользой для военного дела» или иля: «Крепни и славься в битвах веков, Красная Армия большевиков».

Самодеятельностень вечерсь — важнай и интереснай тев, кда сонь организовандаманцты комсомолендиди кярьмодихть оцю мялса, то сон ётай жизнерадостнайста и культурнайста.

Т. Новацкая.

ЭРЯВИ ЛИ ТЯФТАМА ЛЕЗКССЬ?

Корхтамась моли Перхляйский аф полный средний школань комсомольский организациять секретаренц Учватова ялгать мархта.

— Мзяра комсомолецатинь организациясонт? Тя кизефкеть каршес ответ секретарсь макесь пяк куроқта, сяс мес комсомолецонзон можнат лувоме сурса—ниле.

Беседась ётась комсомолецнень колга. Вдь хоть и ёмла организациясь, сембе сяка сонь должен пашкоткшнемс лангозонза путф задачатнень.

Комсомолецне сембе учительхть, ломатне грамотнайхть, но пяк калдяв ся, што синь лафчета работайхть эсь политический содамашиснон касфтомаснон лангса, ламосна синь эздост калдявста разбираются элементарнай кизефкенень эса.

Например, аф сембе комсомолецнени—учительхненди максовсь ответ, кодамот ульсть ошибочнай взглядна народникнень, а кой-конат нльне аф содасазь, мзярда ульсь РСДРП-нь омбоце съездсь. Тя лиссь сяс мес синь аф тонафнесазь «ВКП(б)»-ть историйнц Краткай курсонц. Нилетнень эзда фкяське колмоце главада ичкози ашезь пачкоде. Сонць комсомольский организациять секретаренц Учватова ялгась тонафни колмоце главать эса. И аф случайна, што илады комсомолецне тя тевса усковихть пула-песа. Зуева комсомолкась нинге тичимс серьезна ашезь кярмоде тонафнемати.

Тянь сюнеда комсомольский организациять и комсомолецнень работасост улэндихть значительнай аф сатыкст. Синь аф максихть сатомшка лезке школань администрациять учебно-воспитательнай работать состояниязь цебарьгофтомаса. Тя няеви тоста, што комсомольский организациясь юкстазе эсь кровнай тевонц—пионерский работать. Пионерский организациясь шко-

ласа ащи оцю вийкс. Но тянь тичимс аф шархкоткшнесазь тя школань комсомолецне. Сборхнень колга корхтамс аф сави, сяс мес синь ашесть ётафнев мзярдонга. Фкя валса азоме, тичиме аф содасазь мзяра пионердост. Воспитательнай работать аф сатомшкаста мольфтемани колга корхтайхть ся фактне, што переменатнень пингста кой-кона ученикне вятьсазь эсь прыс-нон пяк калдявста.

Эсь работасост ёфсикс юкстазь лыжнай комсомольский кроссти анокламань работать. Комсомолецнень эзда нльне фкяське нинге аше зе ёта тренировочнай минимумонь нормать, а Учватова ялгась аф веша, штоба ёталезь. ВЛКСМ-нь ЦК-ть видеса комсомольский кросст ётафтомани коряс Оргкомитетсь мярэгсь, штоба ётафтомс смотра, кода анокласть комсомольский организациять предстоящай лыжнай комсомольский кроссти. Но и тянь колгавок мезовок аф тиендеви, учихть особай «директиват» ВЛКСМ-нь райкомть ширде.

Аф сави лама корхтамска сянь колга, што тяфтама «работась» аф канды тевти польза.

ВЛКСМ-нь ЦК-ть X-це пленумонц решениянзон коряс ся организациять работа лувондови удовлетворительнайди, конач максис сатомшка лезке школань дирекцияти и учительствати сознателнай дисциплинарь, оцю успеваемость сатомаса и эста анычек пашкодсьне комсомольский организациясь сят оцю задачатнень, конатнень пунесыне сонь лангозонза ВЛКСМ-нь Центральной Комитетсь.

А тяфтне, кода работай Перхляйнь школьный комсомольский организациясь, нят задачатне аф пашкодевихть.

И. Белов.

Рузавский район.

Жуликсь библиотекарь постса

Ёжка велень средний школаса библиотекарькс работай Якушкинц, кона пьянствовандаманц сюнеда библиотеку панчсемс аф мушенды пинговок.

Сяда башка. Якушкинц тись 2.000 цалковай растрата. Но аф ваномок тянь лангс, школань дирекциясь тя пингс аф примоси кодамовок мерат.

Школаса, коса воспитываются од поколенияс, аш васта тяфтама разгильдайти. Сон зряви инь куроқта панемс и судендамс государственнай средствань кархцяманкса.

Карпунин.

Ковылкинский район.

Волковатъ „работай“

Пионерский работать цебарьгофтомат—тя комсомольский организациять первоепеннай важностень задачат. Кона комсомольский организациясь шарфни сатомшка мьяль пионерский организациять шири, тоса и цебарьста ладаф работась.

Мезе минь нийхтяма Од Выселкань средний школань пионерский организациясь? Аф ули альбяткс кда азсась, што тяса кодамовок работа аф вятеви, сборхт аф ётафневихть кунаракиге ни, беседат тяфта жа аф эрсихть, пионерский организациясь атрибутса алак-

обеспечиндак.

Тяса ули старшай пионервожатай Волкова ялгась, конач получай государственнай ярмакт, а работати кода эряви нинге ашезь кярмотькшне.

Надиятама, што первичнай комсомольский организациять секретаренц Топильников ялгась шарфты тянь шири сатомшка мьяль и ладасы пионерский организациять работанц.

И. Козеев,

Г. Лобурев.

Зубово-Полянский район.

Работати нинге ашесть кярмоде

М.-Ювня велеса 160 неграмотнай и малограмотнай ломань, конат мянь тя пингс алак фатякт тонафнемаса. Велень советонь исполкомс, тиомок формальной отписки, успокоендась сянь лангс, што кочкафт культармеецт, кемокстафт синь мельгаст неграмотнайхне и сембе. А кода моли неграмотнайнь тонафнемась, сянь колга мезовок аф думандай, культармеецнень

мельге аш кодамовок контроль. Вов и тянь сюнеда тичимс аф работай фкявок культармеец.

Вельсоветонь исполкомти и аф полный средний школань дирекцияти тя тевса эряви ладямс систематический проверка культармеецнень работаснонды.

И. Родин.



Африканский фронтса.
СНИМКАСА: Английский военный корабльхне, конат ляцендсазь Капуц-цоть и Бардиять (Ливияса итальянский фронтне).

(Фотосъ ТАСС-ть).

РУМЫНИЯСА СОБЫТИЯТНЕНДИ

Румынский телеграфнай агентствась пачфнесы, што январть 23-це шистонза Антонеску генеральс Румыниянь населенияти подась од воззвания, конань эса сон корхтай, што, «аф ваномок сембе усилиятнень лангс, мятежникине исть кардав». Мятежникинь группась, корхтави воззваниять эса, улемок вооруженнай пулеметса и пушкаса, конатнень инголькиге аноклакшнезень ингольдень внутренний тевонь министрсь правительствать насильственна ёрдаманц инкса, ляцендесе министрсь советть резиденциянц, а тяфта жа правительственной лия учреждениятнень. Мятежникинень каршес тюреманди нолдафоль действияс армиясь.

Германский крукенень эса пачфнихть тяфтама подробность Румынияса событиятнень колга. Легионеронь партиять руководительс Хория Сима азсь Румыниянь премьер-министрсти Антонескути лама требованият государственнай руководствать колга кизефкеть коряс. Антонеску ашезень прима ня требованиятнень и эсь ширденза азсь

требования, штоба Хория Симась атка-заль легионерский движениять эса руководствать эзда. Антонеску ёрась сявомс легионерхнень лангса руководствать эстейнза. Тянь сюнеда ушедсь тюрема Хория Симать и Антонескуть сторонникснон ёткас. Тюремась шарфтсь вооруженнай столкновениятнени.

Январть 24-це шистонза бухарестский радиосъ пачфтезе генеральс Антонескуть распоряжениянц, конань коряс «сембе, кие содасы коса эряихть бунтовщикне, Хория Симать эзда ушedomок последний бродягати модемс, должет эстакиге пачфнемс синь колгаст куля власттнени. Кие аф кармай тянь пашкоткшнемонза, улихть наказкшнестъ стане жа, кода и бунтовщикне».

Сяка пингть, кода ульсь азф тя распоряжениясь, войскатне ушедсть обысконь тиендема. Синь ушедсть университетъ эзда, кона ульсь кружаф танкаса и солдатонь сплошной стенаса.

(ТАСС).

АНГЛО-ГЕРМАНСКИЙ ВОЗДУШНОЙ ВОЙНАТЬ ЭСА ЗАТИШЬЯ

Кода пачфнесы Рейтер агентствась, мельчек нилеце весь ни изь азонкшнев Лондонца воздушнай тревога. Январть 23-це шистонза Англиять вельксса няевсь германский авиациять калдяв, лафча активностец. Восточнай побе-режьяса колма пункт лангс ульсь

ёрдафт бомбат. Колафт эряма кутт. Населенияти ёткас улихть аф лама рендафт.

Январть 24-це шинц карша веть германский самолетне Англиять вельксс исть явондакшне.

(ТАСС).

СРЕДИЗЕМНОЙ МОРЯТЬ БАСЕЙНАСОНЗА ВОЕННОЙ ДЕЙСТВИЯТНЕ

Албанияса фронтнень эса сембе васта стаки моли вии тюрема. Мекольдень шитнень грекне занясть нес-колька од позиция. Кафцке ширет-нень авиациясна стаки сяда виияфне-сазь активностснон.

Корхтамок греческий войскатнень тактикаснот колга, Юнайтед Пресс агентствать корреспондентоц азозе, што грекне сембода сидеста молихть веть штыковой атакатнень вельде.

Январть 23-це шистонза илять аде-лавсть операциятне, конатнень эса, ко-

да пачфнесы английский командова-ниясь, сембе итальянский войскатне, конат аралакшнезь Тобрукть, фатяфт пленц или машффт. Рейтер агентст-вать даннайзон коряс, пленнайда лувондови 20 тежянь ломань. Агентствась тяфта жа корхтай, што декабрь 9-це шистонза ушedomок, мзярда ушедсь Западнай пустыняса английский нас-туплениясь, сывф пленц 100 тежянь итальянец.

Тяниень пингть английский передо-вой частьтне тусть инголи 160 кило-метрада Тобрукть эзда запад шири.

(ТАСС).

Кормась явомс фермава

Тоса, коса колхознай жуватань кор-мать лангса аш ответственный ломань, кормась кархцями кода повсь и макс-севи возможность салсемс. Вов тяфта ащи тевсь М. Паевкань вельсоветса «Од веле» колхозса, коса кормась тя пингс алак яфт фермава. А тянь сю-неда пяк безобразнайста макссеви кор-ма жувататненидиге. Кинь мзяра мялец, сняра и максы.

Колхозонь председателсти Петров ялгати тя тевсь эряви инь куроқта ладямс, кормась явомс фермава и пу-томс определенной ломань, кона кор-май отвечама кормать инкса.

П. Липенкин.

Инсарский район.

Врид. ответ. редакторсь Дм. РОДИН.